

इवनिंग डोगरी न्यूज़ बुलेटिन

समे .1815

<><><><><><>

Headlines

- 1 केन्द्री गृहमंत्री अमित शाह होरें कश्मीर दा दऊं दिने दा दौरा मुक्कमल करियै दिल्ली परतोई गे न।
- 2 जम्मू श्रीनगर राश्ट्री जरनैली शिड़कै पर नवयुग सुरंग थाहर आर्टिफिशियल इंटैलीजेंस राएं चेहरें दी पंछान आली प्रणाली स्थापत कीती गई ऐ।
- 3 लोकसभा दे बाकी रौंहदे गेड़ें दे चुनां लेई प्रचार जोरे-शोरें जारी ऐ। जम्मू कश्मीर दी बारामुला सीट लेई 5में गेड़ तैहत ते अनंतनाग राजौरी सीट लेई 6में गेड़ तैहत वोट पाए जाने न।
- 4 उपराज्यपाल मनोज सिनहा होरें देश-विदेश थमां श्रद्धालुएं गी श्री अमरनाथ जी दी यात्रा लेई औने दा साद्दा दित्ता ऐ। उनें श्रद्धालुएं बी भागवत दा संदेस फैलाने दा आग्रह कीता ऐ।
- 5 विदेश मंत्री डॉ. एस.जयशंकर होरें आखेआ ऐ जे भारत ओकड़ी सब्बने जरूरी राश्ट्री छमताएं गी विकसित करोग जिंदे नै ओने आले समें च भारत नेतृत्व करने आली ताकत बनी सके।

<><><><><><>

Amit Shah

केन्द्रीय गृहमंत्री अमित शाह हुंदा कश्मीर दा दौरा अज्ज सम्पन्न होइ गेआ। इस दरान उनें बक्ख-बक्ख प्रतिनिधिएं कन्नै बी मलाटी कीती। कल संजा कश्मीर पुज्जने मगरा अमित शाह होर अज्ज बउलै नमीं दिलली लेइ रवाना होई गें हालांके जम्मू कश्मीर च लोकसभा चुनाएं बश्कार उंदी यात्रा दरान कश्मीर च मुखधारा दे लीडरें कन्ने उंदी मलाटी दियां अटकलां लाइयां जा'रदियां, पर

घाटी छोड़ने थमां पैहले एहदे बारे कोई अधिकारिक ब्यान नेई दित्ता गेआ। बारामुला च 20 मई गी ते अनंतनाग-राजौरी चुनावी हल्के च 25 मई गी वोट पोआए जांगन। जम्मू कश्मीर च बीजेपी दे महासचिव सुनील शर्मा होरें गलाया ऐ जे गृहमंत्री हुंदी एह कोइ सियासी दौरा नेई हा। रीनगर पुज्जने दे तुरत मगरा गृहमंत्री होरें बक्ख-बक्ख प्रतिनिधिएं ते बीजेपी दे लीडरें कन्नै मलाटी कीती। इस दरान इक पहाड़ी ते मकामी सिक्ख प्रतिनिधिमंडल नै बी श्री शाह हुंदे कन्नै मलाटी कीती।

<><><><><><>

AI Navyug Tunnel

जम्मू श्रीनगर राश्ट्री जरनैली शिड़क पर नवयुग सुरंग काजीगुंड च आर्टिफिशल इंटैलीजेंस कन्नै चेहरे दी पंछान आली प्रणाली स्थापत कीती गई ऐ। आकाशवाणी दे जम्मू संवाददाता दी रिपोर्ट मूजब आर्टिफिशल इंटैलीजेंस आली इस प्रणाली दी मदाद कन्नै खित्ते च अपराधिएं, नशा तस्करें ते बंदिश आले संगठनें दे सदस्ये दी शिनाख्त करने च बड़ी मती मदाद हासल होग। एह प्रणाली अपराधिक गतिविधिएं च शामिल लोकें, भगोड़े-अपराधिएं, नशा-तस्करें, ओवर ग्राउंड वर्करें ते होरने अपराधिक रिकार्ड आले लोकें दी पंछान सखल्ले गै होई सकोग। इस उन्नत किस्म दी तकनीक दे राएं पुलस ना शड़ा अपराधिएं दा मते असरदार ढंगै सिर पता लाई सकोग, सगुआं खूफिया तंत्र ते पुलस दे कम्में काजें च बी बेहतर ढंगै सिर योगदान देई सकोग। आम लोकें दी सुरक्षा जकीनी बनाने ते अपराध ते अपराधिएं पर काबू पाने च बी एह तकनीक मती मददगार साबत होग।

<><><><><><>

Campaign

लोकसभा चुनावं दे औंदे गेड़ लेई प्रचार तेज होई गेआ ऐ। बक्ख-बक्ख सियासी पार्टिएं दे लीडर, देश दे बक्ख-बक्ख इलाके च चुनावी रैलियां ते रोड शो करा'रदे न। जम्मू कश्मीर दे उत्तरी कश्मीर दे बारामुला च 5में गेड़ तैहत 20 मई गी ते अनंतनाग-राजौरी च 5में गेड़ तैहत 25 मई गी वोट पोआए जांगन। देश च वोटें दी गिनतरी 4 जून गी होग। बारामुला थमां 20 मेदवार चुनावं मैदान च न। पर मुख्ख मकाबला नैशनल कांफ्रेंस दी लीडर उमर अब्दुल्ला, सज्जाद गनी लोन ते इंजीनियर रशीद हुदं बश्कार ऐ। अनंतनाग थमां साबका मुख्खमंत्री महबूबा मुफ्ती चुनावं मैदान च न जिंदा मकाबला नैशनल कांफ्रेंस दे मेदवार मियां अल्ताफ ते अपनी पार्टी दे जफर मन्हास हुंदे कन्ने होग।

<><><><><><>

Western Comand

सेना म्हेशां थमां गै राष्ट्र निर्माण दे कम्म च सब्बने थमां अग्गे रेइ ऐ ते “ओपरेशन सदभावना” तैहत्त उनें लोकें दा दिले ते दिमाग जित्तने दे उद्देश्य कन्ने उनें केई मिलीट्री सिविक एक्शन प्रोग्राम कीते। इनें प्रोग्रामें दा उद्देश्य दूर दराज इलाकें दा विकास, शांति ते भाईचारा दा सनेहा देना ते सेना दे मानवीय चेहरें दा प्रदर्शन करना ऐ। सेना दी पच्छमी कमान नै बन्ने कन्ने लगदे इलाके तगर पुज्जत बनाने दे अपने जतनें तैहत्त जम्मू कश्मीर दे दूर दरेड़े इलाके दे 15 युवा योग्य बच्चें दी शिक्षा दी जिम्मेदारी लैती। एहदे तैहत्त 5 कुड़िएं ते 10 जागतें गी 6मीं शा 8मीं जमात च एडमिशन दिक्ती गेई ते ओह आर्मी पब्लिक स्कूल ब्यास थमां 12मीं तगर दी अपनी शिक्षा जारी रक्खगंन। इनें बच्चें दी शिक्षा दा पूरा खर्चा सेना करोग।

<><><><><><>

Army-Interacts

राजौरी जिले दे बारी दराहाल पंचायत घर च सेना नै पंच-सरपंचें कन्नै मलाटी कीती। इस दरान सरपंचें गी सेना आस्सेआ दूर दरेड़े दे इलाकें लेई कीते जा8रदे विकास कारी परियोजनाएं बारे जानकारी सांझी कीती गेई। उनें गी बक्ख-बक्ख सरकारी कल्याणकारी स्कीमें बारे बी दस्सेआ गेआ। इस दरान इलाके च पानी दी कमी, बेहतर शिड़क संपर्क ते होर दुए जरूरी मसलें उप्पर बी चर्चा कीती गेई। सेना नै पंच-सरपंचें गी आशवासन दिक्ता ते उंदी सुरक्षा ते जरूरतें दा पूरा पूरा ख्याल रखेआ जाग।

<><><><><><>

Water Quality

पीने आले पानी दी गुणवत्ता दा मूल्यांकन करने ते संभावित खतरें दी पंछान करने दे मकसद कन्नै पानी दे मय्यार दे आकलन सरबंधी टीम नै डोडा च पानी फिल्टर करने आले प्लांट दा दौरा लाया। इस दरान टीम नै पानी दी जांच आली प्रक्रिया दी बड़ी बरीकी कन्नै निगरानी कीती ते तैह नियमें दी पालमा जकीनी बनाने लेई लैबाटरी च तैनात अमले कन्नै गल्लबात कीती। टीम दे सदस्यें उनेंगी दस्सेआ जे डोडा, भद्रवाह ते ठाठरी दे मुंसिपल इलाके च पीने आले पानी दे सब्बने स्रोतें दी पंछान करने दी जिम्मेदारी उंदी ऐ। इंदे च सार्वजनिक कनैक्शन, जलाराय ते व्यक्तिगत खूह बगैरा शामिल न। टीम दे सदस्यें मानचेन डोडा आले फिल्टर प्लांट थमां पानी दे नमूने किट्ठे कीते ते तैह मानकें

गी बरकरार रखने लेई बी आखेआ। पानी कन्नै जुड़े दे सेहत सरबंधी संभवित खतरें दी पंछान लेई पानी दे नमूनें दी व्यापक जांच कीती जाग।

<><><><><><>

LG

उपराज्यपाल मनोज सिन्हा होरें भारत ते विश्व थमां श्रद्धालुएं गी सलाना श्री अमरनाथ जी दी यात्रा जेहड़ी 29 जून थमां शुरू होआ'रदी ऐ, लेई साददा दित्ता ऐ। उपराज्यपाल होरें श्रद्धालुएं गी समानता भाईचारा ते मानवता दा दूत बनने च आग्रह कीता ऐ। उनें एह गल्ल कल कटड़ा च आयोजत इक समारोह दरान गलाई। 52 दिन चलने आली सलाना श्री अमरनाथ जी दी यात्रा औं दी 29 जून गी शुरू होआ'रदी ऐ ते एह 19 अगस्त गी सम्पन्न होई जाग। उपराज्यपाल होरें श्रावण मनन, निधिध्यासन वेदां ते अभ्यास दे त्रौनें स्तम्भें उप्पर ध्यान केन्द्रत कीता जेहदा उद्देश्य समाज च एकता बनाई रखना ऐ। उनें श्रद्धालुएं गी भागवत गीता दे सार गी पूरी दुनियां तगर पजाने ते आपसी हिर्ख-प्रेम ते भाईचारे कन्नै रौहने लेई गलाया।

<><><><><><>

Shrine(byte)

श्री माता वैष्णो देवी मंदरै च औने आले श्रद्धालुएं गी प्रसाद दे तौरा पर लौहके-लौहके बूहटे दित्ते जा'रदे न। कटड़ा दे निहारिका परिसर च इक हाई टैक आउटलैट च योजना बनाई गेदी ऐ। बूहटे पंथल दे कुनिया ग्रां च माता वैष्णो देवी श्राईन बोर्ड आस्सेआ स्थापत हाई टैक नर्सरी थमां लैते जांगन। बोर्ड नै बड़ी मती गिनतरी च बक्ख-बक्ख किस्म दे रूक्ख-बूहटे मंदरें दे लाग्गे लाए दे न।

<><><><><><>

Jaishankar-Sitharaman

विदेश मंत्री डॉ. एस.जयशंकर होरें आखेआ ऐ जे भारत सब्बने जरूरी राष्ट्री क्षमताएं गी विकसित करोग जेहदे नै औने आले समें च ओह नेतृतवक रने आला बनी सकै। नमीं दिल्ली च बपारिक संगठनें आस्सेआ आयोजित इक सम्मेलन च डॉ. जयशंकर होरें आखेआ जे बपार लेई साजगार म्होल दे कन्नै असेंगी काबलियत ते सेहतमंद मकाबलेबाजी आले हालात विकसित करने पर ध्यान केन्द्रत करना लोडत्रचदा ऐ। उनें आखेआ जे भारत च मजबूत विकास, शासन बवस्था च सुधार,

माली अनुशासन, बुनियादी ढांचा ते तेजिया कन्नै बघदा डिजिटीकरण दिक्खेआ जाई सकदा ऐ। उनें दुनिया च बधे करदी तनोतनी पर चैंता जाहर कीती ते आलमी सतह पर स्थिरता च भारत दे जोगदान पर बी लोह पाई। उनें आखेआ जे भारत गी सब्बने शा अग्गे रखने ते वसुधैव कुटुम्बकम दी भावना, भारत गी विश्व बंधु दे रूपै च पंछान दोआंदा ऐ। इस मौके पर बोलदे होई खजाना मंत्री निर्मला सीतारमण होरें आखेआ जे भारत गी 2047 तगर च विकसित राष्ट्र बनाने च निजी खेत्तर मती बड्डी भूमका नभाग। सीतारमण होरें भारत च होई दी तरक्की गी इक बेहतरीन विकास यात्रा करार दित्ता।

<><><><><><>

Dear

अज्ज उधमपुर दे दरसू ग्रां थमां प्रशासन नै इक हिरण गी बचाया गेआ। ग्रां दे लोकें जंगली जानवरें दे राक्खी सरबंधी विभाग गी सूचना दितती जे उंदे ग्रां च इक हिरण गी जंगली कुत्ते बड्डी खादा ऐ। विभाग दे अधिकारिणें मौके उप्पर पुज्जियै घायल हिरण गी इलाज लेई बचाह केन्द्र पजाया। एह्दे बारे गल्ल करदे होई रेंज आफिसर मनोज अबरोल होरें गलाया.....बाईट।

<><><><><><>

Prices Medicines

केन्द्र सरकारै आम तौरा पर इस्तेमाल होने आली 41 दुआइए दे 6 दुआइए दे फार्मुले दिएं कीमतें च कऔती कीती ऐ। इंदे च शूगर, दि लते लीवर दिएं बमारिणें दे इलाज च बरतने आली दुआइयां शामिल न। दुआइए दे मुल्ल तैह करने सरबंधी राष्ट्री प्राधिकरण एनपीपीए दी बैठक च एह फैसला लैता गेआ। फार्मा कंपनिणें गी एह हुक्म रसाल कीता गेआ ऐ जे ओह बक्ख-बक्ख दुआइए दी घट्ट कीमत दी जानकारी फौरी प्रभाह कन्नै डीलरें ते थोक विक्रेताणें गी देन।

<><><><><><>

Telecom Day

इंटरनेट ते होरने सूचना ते संचार तकनीके दे इस्तेमाल दिएं संभावनाएं प्रति जागरूकता बधाने लेई अज्ज विश्व दूरसंचार ते सूचना सोसायटी दिवस मनाया जा'रदा ऐ। एह तकनीक समाज ते

अर्थबवस्था च दब्दीली आह्ने दी समर्थ रखदी ऐ। साढा मुख्य अज्ज डिजीटल खेत्तर च इक वैशिवक नेता दे रूपै च उभरियै सामने औने ते अपने बसनीकेँ गी बाबख्तियार बनाने दी महत्वपूर्ण डिजीटल यात्रा दा जश्न मना करदा ऐ।

<><><><><><>